



Adressatas ed adressats
tenor la glista da distribuziun

Cuira, ils 23 da november 2017

Midada ad ina taglia sin la part d'ierta: Invitaziun a la consultaziun

Stimadas dunnas e stimads signurs

Nus ans legrain d'As pudair suttametter la revisiun parziala da la lescha chantunala da taglia (LT; DG 720.000) e da la lescha davart las taglias communalas e davart las taglias da baselgia (LTCTB; DG 720.200) per prender posiziun. Cun quest project duain las taglias sin l'ierta e sin donaziuns dal chantun e da las vischnancas vegnir unificadas en la legislaziun ed en l'execuziun.

En il dretg vertent incassescha il chantun ina taglia sin il relasch ed ina taglia sin donaziuns e las vischnancas pon incassar ina taglia sin la part d'ierta ed ina taglia sin donaziuns. Cun la taglia sin il relasch vegn il relasch imputabel – per quant ch'el pervegn a retschaviders obligads da pajar taglia – suttamess sco totalitad a la taglia, e quai per ina tariffa unitara dad actualmain 10 pertschient. Cun la taglia sin la part d'ierta vegn registrada l'assegnaziun als singuls ertavels e las tariffas da taglia dependan dal grad da parentella envers il testader. Sin fundament d'ina incumbensa acceptada dal cussegl grond duai il chantun medemamain midar ad ina taglia sin la part d'ierta e sin donaziuns.

Ils documents da la consultaziun pon vegnir chargiads giu da la pagina d'internet dal chantun sut las [consultaziuns currentas](https://www.gr.ch/DE/publikationen/vernehmlassungen/Seiten/Laufende.aspx)¹. Profitai da l'occasiun d'examinar ils documents e tramettai Vossa posiziun en scrit u en furma electronica fin **il pli tard ils 28 da favrer 2018** a l'**administraziun chantunala da taglia, Steinbruchstrasse 18, 7001 Cuira** u per e-mail ad: info@stv.gr.ch. Il termin da consultaziun na po betg vegnir prolungà.

Il plan da termins prevesa ch'il project vegnia tractà dal cussegl grond en la sessiun da december 2018 ed entria en vigur il 1. da schaner 2020.

Nus As engraziain per Voss interess.

Salids amicabels

Departament da finanzas
e vischnancas dal Grischun

La scheffa

A handwritten signature in black ink, appearing to read 'B. Janom Steiner', with a stylized flourish at the end.

Barbara Janom Steiner
presidenta da la regenza

Participantas e participants da la consultaziun

- vischnancas politicas
- partidas politicas e partidas giuvnas
- dretgira administrativa, dretgira chantunala
- departaments chantunals e chanzlia chantunala
- controlla da finanzas, uffizi da vischnancas, incumbensà per la protecziun da datas
- baselgias chantunalas (per trametter vinavant eventualmain als cumins-baselgia)
- federaziun dals uffizis communal da taglia
- federaziun grischuna d'advocatas e d'advocats
- uniun grischuna d'artisanadi e da mastergn
- uniun grischuna da las hotelieras e dals hoteliers
- associaziun grischuna dals notars
- cussegl grischun da las persunas attempadas
- centrala da dunnas dal Grischun
- gastro Grischun
- uniun sindacala dal Grischun
- chombra da commerzi e federaziun da las patrunas e dals patruns
- societad grischuna da las proprietarias e dals proprietaris da chasas
- uniun grischuna da las hotelieras e dals hoteliers
- uniun catolica da dunnas
- associaziun svizra da las locatarias e dals locataris
- uniun svizra da las fiduziarias e dals fiduziaris immobigliars
- SVIT dal Grischun
- SYNA, il sindicat
- chombra fiduziara, secziun grischuna
- UNIA Grischun
- SSP